

Brinckman, John: Achter in't Holt (1842)

- 1 Dat is so still hier achter,
2 as wir 'ne Kirch dat Holt,
3 mit vâl wid Bagenfinster
4 un Pilers, hoch un olt.
- 5 Dat is so still nu worren;
6 de Wold, de steiht un swiggt,
7 as wenn dor vun sin Kanzel
8 de Preester rünner stiggt;
- 9 as wenn dor vör'n Altor
10 de Preester steiht un singt
11 un de Gemeen den Sâgen
12 un ehr den Frâden bringt.
- 13 Dat is de sôte Vagel,
14 de Nachtigall is dat –
15 dat sleiht een'n so to Harten,
16 dat Og dat ward di natt;
- 17 as künnst du af dat lüchten
18 all, wat up't Hart di liggt,
19 as ob een gahn un bichten
20 un still eens baden mücht.
- 21 De hogen ollen Eeken
22 de geiht dat dörche Kron,
23 de hogen ollen Eeken,
24 as Chur un Örgelton.